

**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 9. Vtrum actus membrorum exteriorum imperentur.

---

[urn:nbn:de:hbz:466:1-72898](#)

liore; sed hoc fieri nequit, nisi iudicem illam vi-

riorem; ergo.

Respondeo Negando minorem: ut enim illam sequar in praxi, sufficit ut iudicem illam probabilem & verisimilem, & vt sciam me posse operari secundum sententia probabilem; ut infra dicetur, q. 19. a. 6. dub. 7.

### ARTICVLVS VII.

#### *Vtrum appetitus sensitivi actus imperentur?*

22  
Passiones  
animi, ut  
ira, odium  
&c. impa-  
ri possunt.

R Espondeo & Dico Primo, Actus appetitus sensitivi, ut ira, odium, concupiscentia, tristitia, possunt imperari. Probatur, Quia voluntate aliquid absolutè volente, vel nonolente, sequitur in phantasia apprehensio conformis, ex qua ulterius sequitur motus in appetitu sensitivo conformis. Et ratio est, quia cum appetitus inferior non sit suapte natura liber, necessario sequitur apprehensionem phantasie. Hac autem necessario sequitur imperium voluntatis & intellectus.

Dices, Sapere experimur non posse nos excitare dolorem in parte inferiore, dum de peccatis volumus dolere: ergo appetitus inferior non necessario obedit.

Respondeo, si voluntas perficit, necessario orientur aliquis motus in appetitu inferiore; vt recte docet Cajetanus. Hic tamen motus sapere erit validè remissus, nisi voluntas sit vehemens; quo fit ut vix sentiatur, praesertim cum notabilis spirituum & sanguinis commotio ob aliquod impedimentum non coniungitur.

23  
Non pos-  
sunt sem-  
per tolli.

Dico Secundo, Motus appetitus sensitivi non semper possunt tolli impetu rationis & voluntatis, vt experientia docet. Hoc autem fit, quotiescumque non est in nostra potestate tollere imaginationem, ex qua illa commotio oritur. Quod tripliciter accidit. Primo, cum obiectum est presentis & sensu percipitur. Secundo, Quando imaginatione excitatur cum magna humorum & spirituum commotione; vt fit in subito terrore, subita ira, &c. Tertio, Quando ab aliqua causa extrinseca, vt ab Angelo, vel demone, imaginatio cietur. His euentis, non potest voluntas omnino tollere passiones excitatas; quia non potest tollere imaginationem, ex qua necessario sequuntur. Sicut enim non potest mouere appetitum inferiorem, nisi mediante imaginatione; ita neque potest eius motus tollere, nisi tollendo imaginationem.

24  
Possunt  
tamen ipsi  
motus redi-  
di ineffica-  
cet.

Dico Tertio, Est tamen in potestate voluntatis, quamdiu ratione vtitur, efficere ut isti motus sint inefficaces, seu vt non prorumpant in actum extermum complectum. Probatur Primo, quia actio humana compleatur in actibus exterioribus: atqui completio operationis pertinet ad directionem superioris potentiae, vt docet D. Augustinus lib. 12. de Trinit. c. 12. Non potest, inquit, peccatum efficaciter perpetrandum mente decerni, nisi illa mentis intentio, penes quam summa potestas est membra in opus mouendi, vel ab opere cohibendi, male actioni cedat & seruat: Itaque necesse est, vt voluntas consentiat.

Secundo, Si passiones possent mouere membra in opus renitente voluntate, maxima esset inordinatio in natura humana, & in Repub. Nam ho-

mo & in seipsum & in proximos gratissima sapere committeret absque culpâ; vnde nec iuste possit puniri.

Dixi, Completum, quia interdum imperfecti motus in parte genitali sequitur ex passione & imaginatione; quæ pars non ita paret rationi ut certa membra. Cuius ratio est, quod imaginatio delectabilium tactus maximè concitet spiritus, quibus haec pars potissimum regitur, qui concitati eam mouent. Reliquis partibus neque tanta copia spiritu seruit, neq; illi spiritus concitantur imaginatione operationis, & quod in illorum operatione non sit tanta voluptas.

Ex his patet, quomodo praus motibus & cupiditatibus sit resistendum. Primo, Tollenda est imaginatio, ex qua oriuntur, diuertendo illam ad aliud; vt ad mortis, iudicij, inferni considerationem. Secundo, si sit tolli nequeat, fortiter id quod proponitur, est voluntate repudiandum tamquam summum malum, & eternam concilians miseriā. Ex hac enim voluntate fiet, ut etiam phantasia hoc tamquam malum apprehendat, vnde motus ille praus mitigabitur. Tertiò, implorandum est diuinum auxilium; quia etiam si voluntas suis viribus possit aliquantulum resistere, tamen nisi diuinus iuuetur, importunitate imaginationum & motuum appetitus inferioris, tandem tcedio affecta trahitur in cōfusum. Quid enim superest, nisi vt quo adiuuante vincimus, eodem non opulante, vincamur? vt ait D. Leo.

### ARTICVLVS VIII.

#### *Vtrum actus anima vegetantis imperentur?*

C Onclusio est, Hos actus non subdi imperio rationis; vt sunt, concoctio, attractio, expulsio, retentio, assimilatio. Idem dicendum de pulsu cordis & arteriarum, qui tamen motus sunt ab anima sentiente.

Ratio est, Quia hi motus neq; sunt apprehensionis aliqua, neque sequuntur apprehensionem, sed vim mere naturalem.

His etiam addi potest, neque actus sensuum exteriorum subiacere voluntatis imperio, nisi tunc de actis, mediante motu locali quo possunt applicari obiectis, vel auerti, vel interposito medio impediri. Ratio est, quia propositis obiectis, merè naturaliter operantur, sicut vires rerum naturalium. Intellectus autem & phantasia secundum se & immedietè subiacent imperio voluntatis, quia secundum se possunt applicari ad operandum absque interuenienti illius alterius motus circa ipsos, præter actum voluntatis.

### ARTICVLVS IX.

#### *Vtrum actus membrorum exteriorum imperentur?*

C Onclusio est, Actus membrorum subsunt imperio rationis. Probat Diuus Thomas, quia motus membrorum sunt à potentis sensitivis: atqui potentiae sensitivæ subsunt imperio rationis & voluntatis; ergo etiam motus membrorum,

Dices,

Dices, Hec ratio non videtur vera, nám motus manuum & pedum non sit per sensus, sed per potentiam motuam.

Resp. Etsi motus isti sint à potentia motuā, eagent tamen sensuum directione; non enim recte fieri possunt, nisi sensuum cognitione dirigantur: & ita pendent à sensibus quoad directionē & modum, quo sunt. Vnde recte sequitur, hos motus pendere ab imperio rationis & voluntatis, quoad directionem, & modum sui. Quod vero secundū substantiam suam ab imperio rationis pendeant, patet; tūm quia modus quo isti motus sunt, non distinguitur ab ipsorum substantia; tūm quia toti sunt à potentia motuā, quæ ad nutum parent voluntati.

Ex his intelligi potest illud Aristot. 1. Polit. cap. 3. animam imperare corpori *δεσμοτοκός*, id est, imperio herili: intellectum verò imperare appetitui sensitivo *πολιτικός καὶ βασιλικός*, nempe quia anima per intellectum & voluntatem sic imperat corpori, vt resistere nequeat; sed ad nutum parere debeat, tamquam vincipium, quod nullo modo potest imperio domini resistere, aut tergiuersari: appetitui vero inferiori, sicut Magistratus ciui, & Rex subdit, qui potest tergiuersari. Etsi enim voluntate absolute volēte, appetitus inferior vtcumque pareat, tamen simul potest teniti per quosdam motus inefficaces, qui si durent, interdum faciunt rem videri tam suauem & commoda, vt voluntatem allicit ad immutandum bonum propositum, & in consensum perfruantur.

Ratio huius discriminis est, quia membra non habent ullam functionem, nisi quæ intrinsecè & immediate pendas à vi motuā, quæ immediate applicatur à voluntate. Vnde ad nutum parent, nisi corpus sit male affectum; vt si defint spiritus, qui sunt modū instrumentum: appetitus autem inferior habet propriam operationem, ad quam naturaliter excitatur proposito obiecto, vnde non habet intrinsecam dependentiam à voluntate in suis operationibus, sicut neque sensus externi.

## D V B I V M.

*Quot genera actuum voluntariorum concurrant in quouis negotio, & quo ordine?*

Caiet. 29. C Aiectanus qu. 16. art. 4. enumerat duodecim, quidam alijs quidecim. Sed reuerā multi ex illis quos isti enumerant, non sunt necessarij, vt ex suprā dictis colligi potest.

Pro response, Notandum est esse duos ordinē actuum, ad quos omnes sunt referendi; scilicet ordinem intentionis & executionis.

Ad ordinem intentionis quinque actus sunt necessarij. Primus, Cognitio finis. Secundus, Intentio finis. Tertius, Consilium de medijs. Neque h̄c opus est imperio, quo ratio imperii consilium; neque electione quā voluntas eligat consultare. Nam ex vi intentionis finis, intellectus naturaliter applicatur ad consultandum. Quartus, Iudicium de medio eligendo. Quintus, Elec̄tio; hic est ultimus in ordine intentionis. Damascenus lib. 2. cap. 22. post iudicium, ponit *γνώμην*, deinde electionem. Per Gnomen videtur intelligere *Consensum*. Sed suprā dictum est, *Consensum* non distingui re ab *Electione*. Vnde hic actus non est necessarius.

Sequitur ordo executionis, in quo primus actus est Imperium (accepto hoc nomine pro voluntate exequendi) quod imperium interdum distinguunt ab electione, nempe quando electio non complectitur omnes circumstantias, cum quibus opus est exequendum. Interdum vero non distinguitur nisi ratione, scilicet quando has circumstantias complectitur, ut suprā dictum est. Damascenus videtur hoc imperium intelligere per *ἔργαν*, id est, imperium: ponit enim *ἔργαν* immediate post electionem. Secundus, Est vius passius, seu operatio potentiae exequentis; nam vius actius non distinguitur ab imperio. Tertius, Est Adeptio finis: si tamen h̄c adeptio per aliquem actum distinctum fiat. Quartus, fructus seu gaudium ex praesentia finis; & hic terminatur ordo executionis. Itaque in yniuersum nouem species actuum sunt necessariae.

Notandum Primo, Omnes actus qui sunt post intentionē, trahere bonitatem vel malitiam ex intentione, quia ex vi intentionis sequuntur. Ideo enim Consultatio est mortaliter bona, vel mala; quia procedit ex bona vel mala intentione. Idem dicendum de Iudicio, Electione, Imperio, Vbi, in ordine Adeptione. Itaque tota h̄c actuum series consistit in uno numero peccatum in ordine ad confessionem. Vnde qui homicidium commisit, non tenetur dicere se intendisse, consultasse de medijs, iudicasse, elegisse, &c. Sed sufficit, dicat se commississe homicidij: nisi forte aliquod medium alias per se illicitum interuenisset, vt si arte magica, vel opera alterius vius fuisse.

Notandum Secundo, In omni actu libero plures rationes actuum concurrere, sed tantum implicitè, quatenus unus idemque actus implicitè super scipsum refleccitur, ut suprā dictum est.

## Q V A E S T I O X V I I I.

## De Bonitate &amp; malitia actuum humanorum.

P Ostquam explicitit Diuus Thomas naturam actuum humanorum in genere, incipit h̄c agere de bonitate & malitia eorumdem actuum. Questione quidem 18. de bonitate & malitia actuum humanorū, præscindendo ab internis & externis. Questione 19. de bonitate & malitia actuum internorum vo-

luntatis. Questione 20. de bonitate & malitia actuum externorum. Questione 21. de quibusdam conditionibus actuum, quæ sequuntur bonitatem & malitiam; vt esse laudabile, vituperabile, meritorium, demeritorium.

## ARTI